

心事

黃昏抑未完全

暗落來的時陣

一隻野鳥

開始巡邏伊的天涯

一櫟古典的老樹

咧複習周圍的風景

溪水咧唱時間

透心涼的歌

音調天然自在

映照天邊神秘的光線

一片遼闊的草原

是一本無聲無說的哲學

青色的芳味

是一篇自然的詩

花蕊開佇這陣

春天的意義

就予人特別期待

親像心事

已經化作透明的山水

親像這個世界

總是會變作

伊想欲要的模樣